

閩都別記

第貳拾集



福州萬國出版印行

中華民國三十五年

閩都別記

福州萬國出版社印行

閩都別記雙峰夢卷之二十目錄

里人何求纂

- 第三百八十一回
- 第三百八十二回
- 第三百八十三回
- 第三百八十四回
- 第三百八十五回
- 第三百八十六回
- 第三百八十七回
- 第三百八十八回
- 第三百八十九回
- 第三百九十回
- 第三百九十一回
- 第三百九十二回
- 第三百九十三回
- 第三百九十四回
- 第三百九十五回
- 第三百九十六回
- 第三百九十七回
- 第三百九十八回
- 第三百九十九回
- 第四百回

芝澗殿神像遭毀除
假死人臥棺試大膽
背正道天雷擊鹿精
巧會意臭穢醫奇病
命安排弟兄雙失子
許漢汝同艚消渴慕
結花燭許支得喜讖
感孝義留心救蟲鳥
勉學善保護拯濟銀
出魂變坐馬投作子
天殞銀萬兩還賑濟
殺風景哦文激虎怒
因色亡身尸存地下
帶甥去泉州賽燈謎
投軍伍拐子歸正道
發心向善神護鬼遠
兄弟懷才聯登翰苑
許紫雲查詢失子尸
尸遷葬嘉仁成地仙
建吉屋許氏大團圓

白露橋石板成精怪
訪妖跡登樓談天文
毀洞府紫雲偕佳偶
應預識彭澤作縣官
緣巧湊男女兩遇奸
支天仙聯詩表至誠
聽拐賣男女遂奇緣
傷災難捐銀賑饑民
許紫雲詳查換尸事
救命代完糧渡飛銀
缸避沛三百報救危
藏至寶說傷墮金鐘
將財獻父說遺腹孤
令子與神童誼金蘭
遇惡獸偕鬼救生還
漂艦報功兵擢官陞
南者存鈿遺承歸宗
樊鳳鳴詳述遺腹事
兒歸宗拐子爲上客
現精氣歸結雙峯夢

閩都別記雙峰夢卷之二十

里人何求纂

第三百八十一回 芝澗殿神像遭毀除 白露橋石板成精怪

却說許經被假鬼驚病有匝月方愈來書館開寺中又有大頭鬼長臂精更驚即叫人來先將書館搬移別處再來上學一時租無惟開元寺前芝澗殿旁有一所房舍多欄堪作書館遂租來搬入即上學先生未居數日誰知芝澗乃五帝廟值送香出海之時日夜大鑼大鼓音響不休先生日又租不是地場內是何神混稱五帝粧神扮鬼煽惑愚民先生又遯回去又只剩衆學友原來所租之房舍乃廟地建來租人各有門戶相通請相出海尚有數日紫雲偵至四更大殿無人將五軟身神像以草索綁縛住各面頰硃書遣犯二字又寫一張大牌票內寫本是蛙魚鳥蚌猴安敢混稱爲五帝若還不押出鄴都煽惑愚民無底止貼於壁上次早廟祝一見報知鄉人衆人皆恐得罪神明擬是坐書房之人所爲遂將書棹及家私盡行丟出驅逐不許再入衆生徒走報與先生得知先生問縛神題票是汝們所爲麼紫雲答諸學生亦都回家無一人在書房有人來報方知去看椅棹已丟破書籍散滿街若不告官讀書人不值半文錢先生曰告容易無人作報告紫雲曰報告不是姪兒還有誰先生遂寫一張稟奉邪惑衆凌辱斯文之呈紫雲拏去府縣州衙門投遞兩院即委員限三日內盡將城內外五帝焚毀一面飭差拏凶人研究枷責於是各庵澗之五帝神盡皆焚毀惟水澗開酒庫王姓之總理早得信先將五木像存起那時值中秋紫雲在東門外支家飲酒半夜回來行至白露橋至橋面見居中每循石板無去一塊自橋頭接連露孔見水至橋尾異之因思若是崩塌不過只一循數塊怎至橋尾照居中一行俱塌若由兩邊亦行得過理不可解站住思有許久見有十數個大漢穿白衣于田塋行至問紫雲曰怎的不去立住看什麼紫雲曰看此橋上石板何去大漢答曰中秋夜景人都去遊玩取樂他亦邀同伴去遊遊有何不可兩邊亦行得過問查他作甚紫雲看其形狀異樣答言蹺蹊非怪即妖即問曰汝何處游玩而來又答

我們因美景欲去尋討有趣之人各處訪叩都是驢頭馬嘴之人無可與言纔回來看看汝蕭酒之豐韻天還未亮無人走過可領教得一二欲求演戲紫雲曰頗曉得些須請汝幾位演來看看大漢曰我乃地主怎敢占先紫雲曰我先演過小技來拋磚引玉莫笑莫笑言訖以手撮鼻似鳥鳴之聲迫肖又作杜鵑孔雀老鴉各鳥聲無不似真各大漢側耳而聽皆稱絕妙衆曰無意之間遇此妙人今我們亦來演小技還敬貴客明夜須早些來把兄弟一起邀來演大的戲法可也言罷有一個大漢蹲于橋上那一個便登于蹲地大漢肩上一個又登于第二個肩上一共有二十個一齊共登肩上共立起重疊有四五丈高入雲表如一條石柱直立忽一聲响一齊倒於橋上直鋪中間露孔之處把橋鋪密如故便寂而無聲紫雲上橋巡看笑曰原來石板亦會成精變人作怪難怪古寺舊廟不出野鬼也須臾天明順便至各鄉墩說知石板變人情形誰知早有人夜行至白露橋石板缺去不敢走過次日來看又如故疑自己眼花第二夜又至其處石板又無去遂認真次早又如故遠近聞知皆異之今聞紫雲來說方知石板亦能成精脫離若不早治將來必害行人之性命紫雲教以犬血潑之自潑犬血之後則不能脫離原處自此怪絕正是

年深凡物皆成怪

膽大遇妖總不驚

且看下文如何分說

第三百八十二回 假死人臥棺試大胆 訪妖跡登樓談天文

却說許紫雲一夜全卜姓之友在鄰墩姓丁之家飲酒至半夜言談之間丁的說今日見後山有一薄棺蓋猶含縫無釘尸都看得見誰家任柩作扛丟上山不埋便去有人說乃是鄰墩住破廟之王六在鄉間鳩錢與柩作收埋那柩作不埋丟下便去明日去與他說叫他來埋紫雲曰待汝叫得柩作來埋時不被野獸拖去亦被野犬拖食務要今夜去蓋好以大石塊壓重方不致獸拖犬咬丁的曰這時候誰人敢去無虎出來亦有鬼自己命先驚毛去卜的曰胆許小有敢與我來打賭輸我就去行爲卜的曰汝有敢去抱大石壓蓋停妥仍來此飲酒至天明同去看果如是我席辦一桌與汝食如是原樣汝席辦與我食不許持燈要摸黑去紫雲曰就無

火怕什麼只口說無憑丁的曰我今先交一塊番銀爲定下的說好卽接銀而去紫雲曰汝不跟去遠看怎知他有持燈否有叫人作伴否丁的答是汝在此看守勿過位丁的囑訖而去因伸手不見掌便在外密叫二人相好之隣人說明前情約有酒請他作伴同去放棺處有一里遠那卜的先行上山摸至放棺所在便開聲叫曰王六我是卜某特來與汝棺蓋密壓石頭保全汝尸首作鬼須保庇我話未完棺中尸便開蓋爬起雙手把卜的抱住拖入棺內因棺小不能入同墮落在地卜的喊救連天丁的全二個隣人在後聞喊以爲被狼咬趕緊跑回叫多人明火執械趕至棺旁見一尸在地二活人在棺旁對抱卜的口喊至聲啞見多人明火至便叫曰好意來與蓋密壓石尸爬起抱我不放衆舉火一照認是紫雲訝而笑曰原來是活人卜的避開喘息爬起紫雲亦放手齊起卜的見是紫雲罵曰汝在丁家未來如何先至臥於棺內作鬼驚我幸我胆大若別人被汝驚死紫雲曰胆大不該叫喊丁的亦驚問老卜先去汝如何反在他先作鬼嚇他紫雲笑曰我俟汝二人賭輸後汝去看老卜我卽由後門由後路先去將尸抱出臥于棺內那老卜至卽胆寒開聲來助胆說我替汝蓋密壓石保全汝尸首汝作鬼須保庇我我在棺內抱老卜老卜便喊救我知老丁在後聞喊必明火叫多人齊來故將他抱不放俟汝各人來看那個胆大衆聞此方知其先去作鬼嚇老卜之情由皆伸舌搖頭說此膽果大有敢把死尸抱出自己臥于棺內都不怕尸之臭氣沾染自古只有汝一人再尋無矣今這尸叫誰人來抱入棺紫雲曰我抱出仍我抱還明日挑灰來與之掩埋紫雲又將尸抱入棺內上蓋把大石壓住衆曰賭輸一塊銀作何分發紫雲曰老卜收不得老丁亦收不得明日可買三牲來燒土地紙并祭此亡人汝們都要來食酒衆答有理次日紫雲買灰僱人掩埋丁的備三牲酒肴致祭邀衆同食于是紫雲之膽大無處不知矣蓋許家宋時父子兄弟三狀元狀元坊在城內狀元墓在城外許家一族住在東山甚旺屋宇毗連後漸零落也有賣於外姓中有一座坐山之大樓屋出鬼怪遠近皆知無人敢買自家被鬼怪作吵難受早已搬空閑曠有數十年有人問紫雲曰汝膽大現在坐山之樓屋出鬼無人住汝有敢去與他會會麼原住之叔告之曰此鬼怪甚

奇異并非鬼形狀如人家之老少男女亦皆聽見說話如人談事上樓去看則沒若帶多人上樓吵鬧則變出惡鬼來攝人其鬼反多故不敢惹他紫雲曰什麼鬼只如此要收降之何難遂同諸伯叔上樓去看其樓在後三進相連中間倍高望得四面八方唯後樓跨山見甚清潔間有時常來此打掃麼衆答誰敢在此打掃紫雲看明白了至夜獨一人上樓去撞偵三夜無動靜以是妄言偵至第四夜至半梯便聞樓上有人行動之聲攝足登樓暗中仰首只見樓中結彩燃燈錦設華美排一筵席一老翁一老婦正坐一少男一幼女坐于兩旁兩個童兒行酒進肴忖其情形不惡可以禮服即放步登樓笑謂曰貴寓有甚喜事拜賀來遲勿罪席中人皆起立老翁訝曰今日乃少老賤辰家宴君是何人紫雲曰緣何不認得屋主監生許紫雲也不知老丈今日千秋華誕日間未來拜祝今來補拜亦可向之施禮老翁問禮曰山野老昧有敢勞貴客重禮又令二男女謝了禮又曰原來屋主許相公久仰名望未曾拜謁今夜光降不勝榮幸不及另設酒醴祈勿棄嫌殘席就此略敬三杯紫雲曰一到怎敢攪擾盛筵翁曰屋主乃一家說什麼多謝小老佔住華屋十年未酬毫末感謝之至即呼童添杯筓拖紫雲正坐老婦帶少女將避紫雲曰既是一家人何須退避翁曰可諸老及少不必避嫌全坐聽貴人高談無妨紫雲以屋主不應坐彼此讓有許久紫雲乃坐二老二幼旁坐童兒斟上酒同飲了數杯紫雲見老翁鶴髮童顏有些仙骨婦額有微鬚有些怪異男醜而不秀有些蠢狀二童猴嘴凸唇是怪無疑唯女絕色無雙隨問姓名籍貫翁曰小老姓張名遐齡山妻楊氏小兒名天喜小女名月姑世居山洞因敝洞幽寂借君樓屋爲別業以暢幽懷紫雲問貴洞在何處答曰敝洞在後山到也寬廠唯周圍巖石遮蔽無天光看貴樓高峻能觀四方八面故不告而擅據乞恕愆尤紫雲曰敝樓有甚風景可觀老翁答曰漫說無風景那夜夜之星辰燦爛盡是文章惟不知名號只看花花碌碌若有人點出得識些須更好紫雲曰要知過天星宿方向名諱某雖不才略知一二指說便知老翁喜曰原來先生知過天之星辰乞來請教以遂平生之愿紫雲遂帶老翁老婦全男女等同至樓檻指北向曰此乃紫微垣爲天帝之都城此乃帝坐居其所而衆星拱之又指

東南方曰此乃 太微垣爲天帝之宮 南曰天市天帝之都市 北曰斗乃爲天之喉舌柄指四時之方向
極北乃天樞紐衆星皆動惟此星不動 河東三星乃牽牛 河西三星乃織女時乃秋初又由西指東曰
此乃 角亢氐房心尾箕也其下則斗牛女虛危室壁也其西則奎婁胃卯畢噴參其下則井鬼柳星張翼轸
也乃二十八宿分野各有所屬今初更看不明白更有一半在地下未上但貴姓正屬天上星宿翁問何星答
曰屬北方張月鹿之大分野故獸中惟鹿壽最長千歲色白尊名遐齡不錯翁聽其指說各星又聞此說更喜
不勝謂曰今夜得先生指教週天星宿頓開愚人胸中茅塞欲留先生在此爲小老師傳兼教小兒女談書如
肯屈駕束修外還要納屋租紫雲暗思此老雖是精怪有此等尚禮義好文理亦堪親近即答曰若不嫌才疎
學淺敢不尊命不知書齊設于貴洞府或即在此樓翁曰夜間尚未醉飽待再食醉飽天明同至敝洞與先生
擇選何處可設遂令童兒重整杯盤同坐又食起矣正是 磨大逢妖皆不怯 才高到處盡相宜
且看下文後事如何分說

第三百八十三回

背正道天雷擊鹿精

毀洞府紫雲偕佳偶

却說許紫雲在樓上同張翁洗盞更酌須臾飲至天明老翁帶紫雲至樓後便是大山由山峽縫七灣八曲塞
入內忽見亭臺花木參差迴廊曲徑石橋青嶂遍是榴花風日晴和氣爽神清似採藥入天台避秦之桃源洞
紫雲訝曰既有極佳所在怎不好還借敝樓爲別業翁曰觀下如仙之洞看上如井之蛙紫雲曰日月常臨天
何小之有只是厭舊喜新如弟選擇書齋即設在此何等雅致外樓萬不及此翁曰先生愛此幽情外樓仍留
爲玩景之別業夜遊可也紫雲曰怪道君好夜遊可漫漫再指明天星翁喜甚紫雲曰容弟回去告明家中再
來麼翁曰應當回告可先帶束修二十兩作安家再帶五十兩薄爲屋租紫雲曰屋租帶回繳上叔伯可以束
修不敢收遂告辭回家諸伯叔兄弟查問紫雲將所遇之情節告知送還屋租曰今知其來歷善而不惡可不
必去吵之伯叔曰有銀來租那有去吵之理衆又問洞中是何境界紫雲將洞中之景致細說一遍一老年聞

之曰可不是榴花洞耶紫雲被一撥覺答曰真是榴花洞不差原來就是我祖屋後衆又曰榴花乃仙洞是仙非妖可放心教讀衆笑曰唐末之周啓文入則得佳人汝此回人必得美人紫雲笑答曰未可定諸兄弟又問可帶我們去看看好麼紫雲答他說切不可帶別人同來來即不能入其伯曰無緣怎得入不可造次紫雲重又上樓早有二童等候升入洞內擇於榴花亭爲書齋開數與童兒買紙筆書卷等件次日卽上學教一男一女供饌盡豐美寒暑衣服皆切備誰知大喜極愚蠢三字經一日教三行不能識女月姑極聰明未月餘便讀至上下論紫雲愛惜之那夜在花亭對酌問曰賢東可記得前唐代宗永泰年間藍超麼翁愕然答曰此等久遠之事先生怎知紫雲笑曰不知有敢稱讀書之人翁亦笑曰先生既曉得前古人入洞故事可知此洞何名紫雲曰貴洞名榴花可是麼翁曰果然秀才不出門能知天下事不錯彼時洞主翁乃弟之師紫雲又問曰樵子藍超令師特贈以榴花才女吳青娘至時洞門就開怎的無人翁答曰藍超乃材老之輩敝師應該款待青娘乃閨女故不近前聽之避賊又連救同難之男紫雲又問曰門是常開的麼答曰彼時門常閉周吳二人乃無意遇開而入若有人特來尋訪之萬古亦尋不出門只在路旁彼時人跡罕至地原荒僻并無人居後來人居周匝門遂不開敝師升天後將洞交與弟掌管奈弟好動遂于巖邊開後路小徑出入遊玩未幾後路門口被貴家圍牆建樓仍無路可行不得不借貴樓爲洞外別業險蔽殺懷中鵠紫雲問此句之典故翁曰此句乃佳人才子說方知紫雲又問聽那個佳人才子說的時翁已醉便不穩說實不相瞞當時周吳之美男女二人在此洞中同起倒十日夜弟慕其美瞞師隱形在暗處偵之有無曖昧情事因他盜有賊酒常帶對酌談論前代故事弟在旁聽方知蔽殺懷中鵠之典故紫雲笑而問曰偵至十日夜可見有甚苟且私情麼翁答曰果至誠無一毫苟且紫雲又笑問曰倘有苟且彼時何以處之又笑答曰有風颭起便有梨拾現向之幫路抽豐若不從告與師知逐出落于賊手二命皆休紫雲又笑問曰二株佳梨送上門愛食卽摘何用等風颭起便拾翁又笑答曰無縫怎敢鑽一喊師知怎好紫雲聞此方知翁邪而不正因其醉出真言又問之曰彼時賢東已

有妻子童兒麼答曰師在有敢如是俟師升天後方敢娶妻生子納童紫雲又問曰學女月姑是貴東親生麼答曰天喜乃親生月姑乃螟蛉的紫雲曰是山洞是人家翁曰實不相瞞乃人家存意爲天喜之妻可以內助開通其竅誰知天喜尙幼不知人道此一時且作姊弟相稱待四五年過爲之配耦未遲紫雲暗思怪道有此端莊必是人家偷拽來不便再問其父母又問曰令師只賢東一個還有別個答曰惟弟一個又問曰引藍樵子進洞卽是賢東麼答曰是紫雲方知翁乃鹿精自此常談說細查其來歷翁因酒醒不十分說明紫雲又思主人無經紀用度從可而求料是那二個黑白凸嘴之童不是山魃亦是狐狸去人家盜拽而來似此翁邪而不正天豈容之不早離殃必累及那日書齋惟紫雲與學女其天喜與其父母在庭前摘花天未見有片雲忽起霹靂月姑驚懼急投紫雲懷中那霹靂連起三聲迅雷翁卽現爲鹿婦變爲羊天喜變爲鹿二僕變爲黑猴白兔皆被雷擊死月姑已驚得半死卽刻雷聲又起電光如火外邊屋舍盡焚紫雲驚曰不走同燒死月姑指後路無火可走紫雲卽帶月姑退出後門到樓上看不見火只聞雷震山崩之聲遂帶月姑下樓至家中伯叔問之紫雲將洞中雷震死五個現出原形告之諸伯叔曰數千年之仙洞怎至雷毀紫雲又將精之因由說知衆曰前乃仙翁正道此乃鹿精邪而不正以致天不容之問女之來由女泣說乃羅源黃某之女十四歲在後園看花被猴兔迷拽進洞不敢走出欲配他子爲妻其子尙幼前見先生要將始末說知因二老常在左右不敢言出今天從人愿跟先生走出得遂還鄉重逢父母奴之萬幸也衆甚憐惜之問曰明日先生送汝回羅源重會父母什麼報答先生女含淚曰再造之德無以爲報惟求雙親送來爲婢伏伺先生略報于萬一衆知其心意有在卽邀入內室與姆姆梳頭拂塵至次日同衆人去樓後查看詎許大之洞被四向之懸巖歇嶂墜塞滿滿被雷震死五怪尸一并堆埋在內只餘路口一谷深廣約丈餘天日不見只遺一廢洞矣共義此樓歸還原主紫雲送女至羅源照姓名問至黃家其父母見人送女歸大喜問知情由方知被妖拽去榴花洞便感紫雲不勝感德原來羅源有山羊精能變婦人以黑猴白兔爲妖奴盜拽人家財物處處皆知此日紫雲說及方

始知財物共拽榴花洞去用度于是黃家即以女配與紫雲爲室備辦粧奩送至東山與紫雲成佳耦矣正是
出去訪妖得佳婦 回來代父作冰人 後事如何下文分說

第三百八十四回 巧會臭穢醫奇病 應預識彭澤作縣官

却說東山許紫雲蕭洒交朋結友日日有友談叙那日友人問曰君號爲萬寶全書必九流三教無所不通紫雲答曰惟一流不通敢稱全書又問何流不通答曰乃舉子流不通文章不會作故無意功名友又問曰二流乃醫君亦能醫麼答曰醫怎不能有甚奇處如有奇症待我去醫纔奇友曰現在耿王一王孫纔十七八歲無別病只昏昏迷迷不言不語如醉如癡經無數醫官調治并無見效將及兩月餘食漸減將倒床耿王憂甚現令堂官尋訪儒醫君如能醫可知此係何症下何藥方能見效紫雲曰此乃痰迷心竅之症必須化痰開竅友笑曰那個醫生不作痰迷心竅治之君說遲了紫雲曰此痰藥攻不下只可單方化之必應手而愈友問何單方紫雲曰見症下藥方準友曰王府內人須當小心因君素著奇異明日全君去王府見堂官帶入君可酌量如可醫則醫之如不可醫須托故告辭紫雲曰是次日友人同至王府見堂官說明堂官即帶至內宅見王孫之形狀似痰迷察其動靜又非痰病異甚看了症抬頭見門額寫四香二字其房香氣如雲金爐香烟繚舍乃問此四香二字誰人取的内侍答乃主孫爺自取的因床乃檀香被乃香末與絲棉夾拌褥內亦有香末帳亦貯麝香故名爲四香紫雲曰孫爺夜臥此床麼内侍答是此床紫雲恍然大悟曰此症非內病乃心竅被香氣所蔽故任甚藥服之無效今有一法須用臭穢之氣冲入其脾香氣退避人自清醒須稟明王爺方敢行爲内侍曰用什麼臭穢待咱家進去稟明紫雲曰可將王孫抬去別所安臥床板下用糞桶貯屎放於床下將床板拔開一塊其臭氣自冲上人必清醒内侍即進内稟王說此情由王許之內侍出來說訖即將王孫帶去別房如言行爲過一日一夜人漸見清醒紫雲被留住王府俟至三日王孫心竅大開照例發賞銀一百兩紫雲帶回分五十兩與引荐之友其友不肯受諸友問曰怎不肯受有福同享有禍同當惟服他果有奇能若不濟

醒卽把醫官拏去灌屎有敢令王孫去嗅糞桶還要拏引荐之人亦灌屎屢衆共大笑衆又曰今且起出加二與衆友紫雲問何故衆曰汝二人拏去灌屎我們衆人亦須醉酒與汝二人洗尿也紫雲又笑曰說得有理應起加二與衆友作歡喜食酒之需于是日夜歡飲不休是年乃鄉試科舉之歲已屆入闈之期往回因諸伯叔迫其不得已進場所作之文皆不通紫雲此番存意避去相好之友家過三場回家假作進場了誰知此番妻父并太小舅挑盛禮作潤筆俱擁來送場走不脫至點名時攢入人縫諸人以爲點名人場俱退回那知紫雲走出望南而去貢院走至仙塔街因尿急尋不見廁所轉灣進巷入崩牆內蹲地出恭完後立着想去何處躲避忽被巡邏之兵看見問何人敢擅入此紫雲曰此何地場兵曰此乃王府小花園還不知麼紫雲曰我乃進場之秀才因走錯路誤入并非匪類巡兵看其穿帶信是士子答曰漫道秀才卽舉人暮時入此亦要拏問且送與巡捕官發落遂將紫雲送至巡捕廳誰知巡捕去別處飲酒不在衙內各人不敢擅放只押住待巡捕回時天已將明巡捕官又趕入內伺候各官上朝至辰後方回巡兵報知巡捕卽訊看印卷乃眞士子人報耿王知之王問是眞否巡捕答是眞問什麼時候答昨夜三更罵曰今日這時候來報豈不悞人三年一度查是許紫雲記得前醫王孫之醫生卽令巡捕持名帖送許紫雲入場補考許紫雲前要躲避今反被送入場內只得亂寫頭場諒必被刷那知并無刷出又入二場三場亦不知文章說什麼約略寫滿巷就是至發榜竟中十五名舉人自想自好笑料是王之名帖通神至簪花日卽具手本到王府叩謝太監看乃許紫雲之名卽入殿稟王王喜曰可帶入見孤紫雲入見拜謝王曰孤若不送去補考幾悞却功名遂賞彩旂太監又帶去見王孫王孫喜甚囑明年會試來帶書信上京紫雲拜謝而回蓋紫雲以王帖送入監臨以非王親亦有大來歷主副考亦知見其文不通命簾官改過亦耿王威權所致故主副考與監臨房考若不中恐得罪于王若中文章又不合式故上下作成之未幾紫雲又進王府稟辭去京會試王孫交荐書帶去分投諸親王并六部衙門紫雲領了進京思有此大荐書我再有稍好文章包中狀元到京投遞了各荐書入闈又亂寫遂中二申第八名進士

此科進士特恩皆入翰林吏部知紫雲不通分發江西九江府彭澤縣作一任扣銀數萬因聞耿王將謀反趕緊告疾還鄉以前開元寺大頭鬼所言翰林好大胆去彭澤扣銀之預識至此皆應矣

富貴雖從識裡得

功名還是胆中來

且看下文如何分說

第三百八十五回 命安排弟兄雙失子 緣巧湊男女兩遇奸

再說許紫雲饒倖中兩榜入翰林全藉耿王之薦書名帖又出爲彭澤知縣銀得十餘萬回來全妻黃氏快樂上下連生二子長名漢汝次名嘉仁餘皆女漢汝至七歲過繼與親堂兄爲嗣其堂兄名祥雲亦住東山因鄉內火災輒見陸續各遷別處祥雲遷居橫嶼紫雲遷居城內懷德坊登雲青雲遷于山兜尾二兄弟因胆小不敢作知縣愿作教官只作十餘年俱告疾歸林因閑住被鄉親請去爲子弟師青雲在侯官縣前吳姓鄉紳家教讀再說紫雲子嘉仁自十三歲隨在學堂讀書早午皆回家食飯是年十五歲二月間那日家中食午飯去齋至晚無回連尋數日無踪貼賞榜亦無信息查其母房中無去金珠等物自己書箱存有數十包五色絲線知是被人誘拐紫雲笑曰因憫堂兄乏嗣自愿長子與之承繼致自己絕嗣不知天道無知伯道無兒耶或曰過繼可討回紫雲曰寧次房絕嗣不可長房無子既繼與那有反悔討回財子壽命排定安能求得于是紫雲看破樂善好施濟急扶危不以銀錢爲量祥雲妻林氏只生一女得漢汝爲嗣現年十六歲了品貌超羣早聘有室未娶其女出嫁在南台南禪山邊支家其漢汝甚聰明能文祥雲愛之常帶在身傍不離左右其女有翁姑小姑婿爲杉木行牙儂家道頗豐惟親家支翁甚慳吝不堪妻甚老實婿妹名天仙年十六歲才貌雙全祥雲常帶漢汝去婿家天仙得見其品貌便愛慕之漢汝看天仙亦心愛之彼此對觀不避時值季春漢汝在橫嶼家中聞父欲去南台看迎浦奶趕覓一粒骰子將骰子心中鑲入一粒紅豆子（卽相思豆）寫二句詩于紙總包封固存在身邊隨其父又來支家那天仙聞漢汝來到無心作針指偵母不在兩親家正在下棋行到後廳門口漢汝亦留心偵他見他立于門口卽移步將身上紙包付與天仙正接過手聞父呼喚漢汝去那里

漢汝卽應在此天仙進房開看之乃是骰鑲相思豆子紙上寫二句詩云

玲瓏骰子鑲紅豆 透骨相思君識無

天仙看了不盡意感神迷卽去搜尋二粒蓮子一粒銀杏蓮子只用二心并一粒杏紙封亦寫二句包好擲于漢汝身旁漢汝拾看乃一對蓮心一粒杏詩云

既合二心猶有幸 牆高難禁岷崙奴

漢汝看了暗思古來岷崙奴盜出紅綃女汾陽府牆高如城垣都能盜去他說此小屋牆那比王府不能出盜之何難只是我父守住半步不難怎處卽有岷崙奴盜出依然風馬牛不相及只得將二物存于身上俟棋下完隨去看浦奶次日回家不覺春去夏來開婿家宰猪祥雲又帶子去食猪肉支翁本慳客以祥雲不數日便來一次猶帶子同來飯菜被食多少此回宰猪怎知又帶子同來食肉今偏不與食恐子媳捧出將肉以鹽醃存于櫃內三頓只菜頭祥雲便不去待有肉食纔去次日下雨支翁以有雨不能去至晴必去雨下二三日遂晴祥雲仍不去支翁故意作一個草人以菜頭作身菜葉作衣放于對回神廟簷下便叫祥雲出門口指之曰親家汝看那簷下不是人祥雲看怎的不是人支翁曰若是人前數日坐定不去可矣今既晴了多日猶賴不去可見其不是人祥雲知其意又望一會答曰真不是人若是人便有肉出現連看四五日總是菜頭與青菜并不見一塊肉不是人至極想必是等菜頭變肉纔肯去支翁曰菜頭到底底是菜頭想變肉萬難萬難祥雲正欲答忽下大雨祥雲笑曰今菜頭被雨一洗必現出肉支翁亦笑曰若再不去被雨再洗連菜頭都爛盡還想有肉誰知又下七八日大雨溪水冲漲上屋支家有一樓男女俱上樓惟祥雲不便一處仍在樓下棹上坐因水越大支翁全子雇船先將箱籠同祥雲下去上杭街親戚家陳姓後山花亭內安頓支翁上船同去船撐許遠有隣人康奴號作西北風撐船趕來叫曰支二叔東西下去何處安寄家中遠有別物待我去下康奴船卽趕至人跳過船支翁曰下去寄上杭街陳家箱籠都下來了家中只有人及碎物不要汝下我回船去自下康

奴以支翁在說話把手中生烟筒接來自食因說不與下答曰不用我下我回去自下家中東西便跳回船撐去支翁覺烟筒未拏回急叫西北風把我烟筒怎的拏去康奴笑答曰忘記送還船已難遠今回去交與二孀船便撐去至支家門口喊曰支二嫂大嫂快走水勢來凶頃刻上樓支二叔叫我撐船來下天仙妹同許家親家舅先去上杭街陳家寄住二叔全大哥趕回船來下二孀大嫂并雜物林氏在樓上問曰父子家中未曾說過汝下康奴答曰是路過連時叫我來下亦恐家中未交代二叔交一把烟筒爲據說若不先下二個去二叔船小下不得多人水流甚急多恐不測樓上婆媳聞此便令康奴上樓接着烟袋遂信之即令天仙漢汝下船撐去須臾支翁全子船回至家聞說二子女被康奴下去父子大驚問怎的與他下去婆媳說先不與去因有烟筒作憑據話亦說得相同故信之父子曰烟筒是他借去食烟原來局去作據來局拐子女今趕緊先去尋討父子船撐至康奴家只見屋被水浸空空無人又去別處查問無人得知以爲拐去是實要去別處再討見此洪水浩大無奈之何只得將婆媳下去陳家安頓罵二婦不等我回被其局拐婆媳同泣曰西北風常來家中相熟話又對又有烟筒作據水又頃刻上樓怎不與去那知是局拐二婦同大哭祥雲先下在陳家聞子被拐便號咷大哭隨問康奴是什麼人怎不關防被其局去其婿曰他名康奴號爲西北風只單身亦做媒人逢人都熱口甜心巧聞說他在外作光棍本鄉無人不嫌他任其自來自去不理此回必是見漢汝生得清秀舉心來拐帶手將妹一齊局去他州外府去賣今俟水退指名告他祥雲聞了攢足哭曰都是我變死不堪想食什麼肉不回去猶害及親家姑同拐去今肉無食一塊子又沒去一個頭向牆亂撞被婿攔住方止內面林氏哭罵曰都是老遭瘟端端竭我不是人肉不與親家食故致此禍若肉早拏出親家早帶子回去何至光棍來拐肉被水流去女亦死去罵了又罵頭向壁上亂撞媳抱住始止支翁唯低頭嘆氣愧恨至二日水退祥雲快快趕回去縣裡遞呈官即訪拏康奴支家屋被水冲漲四面破壞碎物及木料被水流去空空先修了屋搬回婆媳即進城告於閩縣閩縣出票拏康奴不到只得訪捕而已紫雲聞知嘆曰我兄怕我討回故時刻帶在身邊

誰知命裡若無了就存于砌內亦會失去怎能防得其友問曰君卦理極精可卜兄弟之子失去能回否紫雲答曰吾已卜過後來總在日下若尋無用祥雲自此不再去婿家只催呈添差訪緝康奴衙門使費亦去許多支家又倩人去密訪并無風影一個貪口腹想食肉一個太慳吝肉不請親家致失去子女二人矣正是

過于慳吝方失女

太貪口腹致沒兒

且看下回如何分說

第三百八十六回

許漢汝同艚消渴慕

支天仙聯詩表至誠

再說那康奴將支家一男一女局去何處出脫訪拏不着原來康奴號西北風者取其會天鑽人家門雖關至緊諸物不能進惟風由門縫吹入故號之彼時城內京中來一參將姓許名泰乃功加世襲一等阿達番應六次補受泉州參將隨帶家眷至浙江一子一媳上下日暴病而死因只一子死去無嗣后代無以承襲世職住北門公館命家人張姓去尋買一男一女補爲兒子媳婦以便接襲世職要十五六歲品貌出衆銀貴不論趕買來帶去泉州上任只可容爲不可風聲家人領命暗令媒人去尋不可邀來公館自己上門去看連看十餘次皆不中意却被西北風知之對他說我去尋訪如有卽來邀汝去看適看見漢汝品貌無雙想他父乃田舍翁那肯買子且着其家人去看如中意再用計去拐卽去公館與家人說知帶去支家預囑之曰此子乃父母偷賣瞞着外人只可偷看不可明言囑他訖卽帶家人進內廳二親家下棋漢汝立旁看支翁問西北風何事答曰此位客要買大打木數十條來問支大哥可有麼支翁曰不用問前月纔被寧波客盡販去一條亦無待有運至來看原來西北風一進門便指與家人看適天仙因母去睡亦在門口與漢汝對覷見客來亦不卽避退仍泊在門側二老看不見家人看了然西北風亦暗指與家人看之看完同家人坐椅上問不知何時上府會到價若干言東講西無話三句講支翁一面下棋一面答應西北風故意漫漫說完帶人出門外問看飽未此一男一女可中意麼家人曰都好極不知二個是兄妹不是西北風便扭捏曰並非兄妹男是下棋老頭翁之子係前妻所生女是自功聘來爲媳未曾夾房完親因又娶後妻有後母必有後父聽妻言欲遂去密託我

代尋有好主並賣去如中意講定價銀騙二個去親戚家玩耍不可說賣方能成事家人曰是夫妻更好別人買去怕拔盆我買去包順意問價若干西北風答一男一女要三百兩媒人錢這邊出如是先交定銀數日過連人都帶送去公館交割家人還價銀二百四十兩西北風一定三百兩不成花家人自進城去與本官回話次日來討康奴說價依汝三百兩今先交銀十兩待人契去全交媒人錢十兩只此數日要趕去泉州到任西北風收了定銀共至茶店同食了點心應承此三日外帶去交割家人遂回去便連日大雨西北風冒雨去公館說待天晴方騙得二人出來那日正在思計忽然溪水冲漲上屋局拐二人下船心中算定率性拐二個得銀三百兩逃去外郡作生理怕什麼擇去半路即顧一個大船將二個帶入中艙前後門關緊自取出銀錢與船家去買酒肴果品各物自己存躲于中艙後堵潛聽二人說甚話原來漢汝思慕天仙恨不得親近忽同下康奴船中便暗喜天仙亦看見同在一處亦喜惟碍康奴在面前未得談叙今又同在一堵前後無人兩自含羞對面盤坐許久康奴由後艙捧至一大盤酒肴排于矮棹上漢汝訝之目覩天仙天仙曰康奴哥怎敢多謝康奴答曰我尋常多謝汝父兄看顧無恩可報這些須飯菜說什麼可漫漫食解悶現在水淹過城進不得城內今夜同在艙中睡明日看水稍退纔好進去不然還要隔兩夜天仙駭問曰水有許大我父母兄嫂同許親家落在何處康奴曰他船泊在橫山亦等水退進城都平安不必掛念天仙曰都平安就好又問此處什麼地方又答曰土山天仙又問今夜進城不得勞你與船家借出筆墨紙硯解悶康奴遂取至又將艙門關緊二人以既排使酒肴即對面盤坐食之時皆饒食略飽了天仙笑曰今天賜幸會不必稱親家舅親家姑只兄妹何如漢汝笑答曰兄妹始同心好極天仙曰前次蒙兄贈紅豆今日得遂對談可了却相思之願漢汝亦笑曰前承答之牆高難禁崐奴此夜恰應從前之識天仙答不錯二人食了飯天晚時康奴收去盤碗點上燭又排糕點並抱一瓶酒并爐炭以酒冷自盪漢汝向天仙細語曰看此等奉承中間必有緣故莫是落其圈套投入網內怎處答曰妹亦疑之既至此了變鳥亦不能飛去但妹得與兄親近把臂談心就落其網不過一死能與